

東浦詞一卷

韓玉

東浦詞

目錄

水調歌頭三調
滿江紅一調
上平西一調
番拾子一調
行香子一調
水調歌頭一調
鷓鴣天二調
霜天曉角一調

念奴嬌一調
曲江秋一調
西江月一調
清平樂一調
太常引二調
且坐令一調
生查子一調

感皇恩一調
一翦梅一調
臨江仙一調
減字木蘭花一調
賀新郎三調
風入松一調
卜算子一調

東浦詞目錄終

東浦詞目錄

東浦詞

宋 韓 玉

水調歌頭（張魏公生日）

問世眞賢出。吉兆夢維熊。玉麟天上謫見。韓薄貫長虹。追念當年籌算。封魏封留勳業。千古事攸同。語云仁者壽。何必喻喬松。嗣天子。乘九五。馭飛龍。分麾契符閫外。憑倚定寰中。由是天才英縱。散入樞庭閒暇。談笑撫兵戎。佇看驕虜靜。金鼎篆元功。

又（自廣中出過廬陵贈歌姬段雲卿）

有美如花客。容飭尙中州。玉京杳渺天際。與別幾經秋。家在金河隄畔。身寄白蘋洲末。南北兩悠悠。休苦話萍梗。清淚已難收。玉壺酒。傾潑灑。聽君謳。佇雲卻月新弄。一曲洗君憂。同是天涯淪落。何必平生相識。相見且遲留。明日征帆發。風月爲君愁。

又

月裏一枝桂。不付等閑人。昔年霄漢問道。爭者盡輸君。衣袖天香猶在。風度仙清難老。冰雪瑩無塵。賦才三十倍。論壽八千春。夏庭芝。周室鳳。舜郊麟。豈如今日稱瑞。皇國再生申。聊借濟時霖雨。來種重湖桃李。和氣一番新。尙聞虛黃閣。行看秉洪鈞。

念奴嬌

東 浦 詞

吳東清勝。是吳山蒼翠。吳江澄澈。靈秀鍾人文物盛。歷歷皆非凡俗。而況君家。風流遺世。猶寄山陰曲。繼承才業。算來真是名族。聊慙駐節重湖。惠歌仁詠。藹豐年圖錄。行看登庸歸去後。誰展高才相續。壽日稱觴。一杯千歲。應見蟠桃熟。祝君難老。爲君還更再祝。

感皇恩（廣東與康伯可）

遠柳綠含煙。土膏才透。雲海微茫露晴岫。故鄉何在。夢寐草堂溪友。舊時遊賞處。誰攜手。塵世利名。於身何有。老去生涯殢尊酒。小橋流水。一樹雪香瘦。故人今夜月相思否。

滿江紅（重九與張舍人）

正欲登臨。何處好登臨。眺望。君約我今朝攜酒。古臺同上。風靜秋郊。渾似洗。碧空淡覆玻璃盎。夕照外。渺渺萬遙山。開青嶂。龍山事。空追想。風流會。今安往。我勸君一杯。爲君高唱。今日謀歡真雅勝。休辭痛飲。葡萄浪。縱黃花明日未凋零。非佳賞。

曲江秋（正宮）

明軒快目。正雨過湘溪。秋來澤國。波面鑑開。山光澱拂。竹聲搖寒玉。鷗鷺戲晚日。菱荷動。香紅簌。千古興亡意。淒涼颼舟。望迷南北。髣髴煙籠霧簇。認何處當年繡轂。沈香花萼事。瀟然傷□宮殿三十六。忍聽向晚菱歌。依稀猶似新番曲。試與問如今。新蒲細柳。爲誰搖綠。

一翦梅

鏡裏新妝鏡外情。小眉幽恨淺綠低橫。只怨閑縱繡鞍塵。不道天涯縈絆歸程。夢裏蘭閨相見驚。玉香花瘦。春豔盈盈。覺來欹枕轉愁人。門外瀟瀟風雨三更。

上西平（甲申歲西度道中作）

折腰勞。彈冠望。縱飛蓬。笑造化相戲窮通。風帆浪槳。暮城寒角曉樓鐘。暗惜霜雪。鬢邊來驚對青銅。瀟瀟閑好。何時遂。門橫水。徑穿松。有無限。杯月襟風。區區箇甚。帝堯堂下足。夔龍不如早問溪山高養吾慵。

西江月

捍撥聲傳酒綠。薔薇面襯宮黃。嬌波斜入鬢雲長。眉與春山一樣。瀟灑不禁疎瘦。低回猶似思量。桃花梨葉晚陰涼。說與三年夢想。

臨江仙

月是銀釭溪是鏡。雲霓與作衣裳。夜寒獨立竹籬旁。妝成那待粉。笑罷自生香。自古佳人多薄命。枉教傲雪凌霜。從來林下異閨房。何須三弄笛。方斷九迴腸。

番槍子

莫把團扇雙鸞隔。要看玉溪頭。春風客妙處。風骨瀟瀟閑翠羅。金鏤瘦宜窄。轉面兩眉攢。青山色。在此月想精神。花似秀質。待與不清狂。如何得。奈何難駐朝雲。易成春夢。恨又積。送上七香。

車春草碧。

清平樂（贈棋者）

梅花照雪。渾似人清絕。香疊紺螺雙背結。曾侍霓旌絳節。如今卻向塵寰。其中寄箇瀟閑。縱便阿郎多病。也須偷畫春山。

減字木蘭花（贈歌者）

香檀素手。綏理新詞來伴酒。音調淒涼。便是無情也斷腸。莫歌楊柳。記得渭城朝雨後。客路茫茫。幾度東風春草長。

竹香子

一翦梅花。一見銷魂。況溪橋雪裏前村。香傳細藥。春透靈根。更水清冷。雲黯淡。月黃昏。幽過溪蘭。清勝山礬。對東風獨立無言。霜寒塞壘。風淨譙門。聽角聲悲。笛聲怨。恨難論。

太常引

荒山連水水連天。憶曾上桂江船。風雨過吳川。又卻在瀟湘岸邊。不堪追念。浪萍蹤跡。虛度夜如年。風外曉鐘傳。尙獨對殘燈未眠。

又

東城歸路水雲閒。幾曾放夢魂閑。何日整歸鞍。又人對西風凭闌。溫柔情性。繁懷傷感。欲訴

訴應難。愁聚兩眉端。又疊起千山萬山。

賀新郎

柳外鶯聲碎。晚晴天東風力軟。嫩寒初退。花底覓春春已去。時見亂紅飛墜。又閑傍闌干十二。闌外青山煙縹緲。遠連空。愁與眉峯對。凝望處。兩疊翠。鴛鴦結帶靈犀佩。綺屏深香羅帳小。寶檠燈背。誰謂彩雲和夢斷。青翼阻尋後會。待都把相思情綴。便做錦書難寫恨。奈菱花都見人憔悴。那更有。枕痕淚。

又（詠水仙）

綽約人如玉。試新妝。嬌黃半綠。漢宮勻注。倚傍小闌閑凝佇。翠帶風前似舞。記洛浦當年儔侶。羅襪塵生香冉冉。料征鴻微步凌波女。驚夢斷。楚江曲。春工若見應爲主。忍教都閑亭籊館。冷風淒雨。待把此花都折取。和淚連香寄與。須信道。離情如許。煙水茫茫斜照裏。是騷人九辨招魂處。千古恨。與誰語。

又

睡起簾櫳靜。金鋪春幃半捲。寶香煙冷。門外落花風不定。糝糝亂紅堆徑。誰喚做春愁如病。零亂雲鬢慵梳掠。傍菱花羞對孤鸞影。情易感。恨難醒。沙邊柳外當時景。記分攜離筵乍闋。去帆初整。盡舉棹歌和淚聽。雲淡水寒煙暝。空僧望樓高天迴。猶未歸來何處也。日長時不念。

人孤冷。書漫寫。雁誰倩。

水調歌頭（上辛幼安生日）

重午日過六。靈岳再生申。丰神英毅端是。天上謫仙人。夙蘊機權才略。早歲來歸明聖。驚聳漢庭臣。言語妙天下。名德冠朝紳。繡衣節。移方面。政如神。九重隆眷倚注。偉業富經綸。聞道山東出相。行拜紫泥飛詔。歸去秉洪鈞。壽嘏自天錫。安用擬莊椿。

且坐令

閑院落。悞了清明約。杏花雨。過。臘脂綽。緊了鞦韆索。鬪草人歸。朱門悄掩。梨花寂寞。書萬紙。恨憑誰託。纔封了。又揉卻。冤家何處貪歡樂。引得我心兒惡。怎生全不思量。著那人人情薄。
（纔封了一本作剛匆匆封了）

風入松

柳陰亭院杏梢長。依約巫陽。鳳簫已遠秦樓在。水沈煙暖全香。臨鏡舞鸞窺沼。倚箏飛雁。行。醉邊人去。自淒涼。淚眼愁腸。斷雲殘雨當年事。到而今好處難忘。兩袖曉風花陌。一簾夜雨蘭堂。

鷓鴣天

披拂芝蘭便斷金。頓成南北豈勝任。三年尊酒半生話。千里雲山一寸心。休悵望。莫登臨。夢

魂何處不相尋。柔腸欲問愁多少。未比湘江煙水深。

又

愛日烘晴。句日間。漫邀朋輩爲躋攀。無窮望眼無窮恨。不盡長江不盡山。星點點。月團團。倒流河漢入杯盤。飽吟風月三千首。寄與吳姬忍淚看。

生查子

裙拖簇石榴。髻綰偏荷葉。頭上短金釵。輕重還相壓。輕翠月入眉。淺笑花生頰。夫婿不風流。取次看承別。

卜算子

楊柳綠成陰。初過寒食節。門掩金鋪獨自眠。那更□寒夜。強起立東風。慘慘梨花謝。何事王孫不早歸。寂寞千秋月。

霜天曉月

竹籬茅屋。一樹扶疎玉。客裏十分清絕。有人在。江南北。佇目詩思促。翠袖倚脩竹。不是月媒風聘。誰人與。伴幽獨。

東浦詞終

東浦詞跋

韓溫甫家于東浦。因以名其詞。雖與康順庵辛稼軒諸家酬唱。其妍媸相去。非豈莛蘿無鹽也。余去冬日事春雷。研田久蕪。托友人較讎諸詞集。以行世。入年讀之。如茲集開卷水調歌頭。爲之掩鼻。又且坐令其自度曲也。押韻頗峭。但冤家何處貪歡樂。引得我心兒惡等語。又未免俳笑矣。古虞毛晉識。